

ركن الشعر الشعبي الأحوازي (10)

## حال الحارة

( الشوط الثالث والأخير من القصيدة )

للمشاعر المناضل الأحوازي امين " أبو نزار "

إو كلبى الحساس أبهم مرضه  
إو يعرف يننقذ ناسه وعرضه  
إو يعرف فرض الحك إيفرضه

إو من يد المحتل رد حكه  
وبغير الحك لا ما يرضه  
ويصبح حرّ من قيد القاصب

يصبح حرّ بقلمه و أرضه  
ذاك النادر جهده وعمره  
ويتحدى بقوة الأعصار  
و لا يصبح عين العدوانه

وتظل اللمة ابصيوانه  
والدلة بموكد ديوانه  
و رشاشه معلك بالهمة

و متحزم بحزام اللمة  
و تفرح أهله وناسه اليمه  
وين اهوه البيه تعلق الراية

كتله أرجوك اكثر لاتحجي  
ادري الحى من الهم يبجي  
وعرف إحساسه و حر ناره

إو لو توجد ناسه أو أنصاره  
طهر كل حيناً من اشراره  
جان أعلن ثورة أو شن غارة

على المحتل و رد عتباره  
لكن ماتوجد أنصاره  
و هذي الحال بذيج الحارة  
\*\*\*\*\*

إو كل لي أنهار الديرة الماتت  
الهن لازم يهتف صوتك  
إو علي بصوتك الهن عليّ

إو عن كارون الضايح كل ليّ  
راح وراحت ذيج أيامه  
وضفافه اللي جانت منوة

لسيَّاح و بهجة وسلوة  
جقت وتكول اهوه القوة  
من حيث أدري اهي تكلمني

أو بدروب النهضة إتعلمني  
إو جيف انثور احنه إتفهمني  
إو ضفة كارون التتكم

كالت ما حِس هزت مدّه  
و كارون القادم وتحدّه  
حكّموا ضده, إبّلسق التهمة

حكّمه اتصدر ليلة ظلمة  
والناس البس تسمع حكّمه  
شافوا جيّد كيف اعدامه

إو لا واحد حاس من إزلامه  
ولا صد ابطلقاته العيلة  
إو لا سهلت من خيله كحيلة

هذا اللازم يلبس شيلة  
إو ظل إيكل لي شاب الحارة

إو دمعّه اليهمل كال اسراره  
إو أعلم بيه لو عنده انصاره  
رجّع لحواز و عتباره

لكن راحت كل انصاره  
وهاذي اليجري بذيغ الحارة